

**2023 ԹՎԱԿԱՆԻ ԸՆԹԱՑՔՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ ՀԱՏՈՒԿ ԾԱՌԱՅՈՂՆԵՐԻ
ՎԵՐԱՊԱՏՐԱՍՏՄԱՆ ԵՎ ՀԱՏՈՒԿ ՌԻՍՈՒՑՄԱՆ ԴԱՍԸՆԹԱՑՆԵՐԻ
ԻՐԱՎԱՆԱՑՄԱՆ ՀԱՄԱՐ «ԻՐԱՎԱԿԱՆ ԿՐԹՈՒԹՅԱՆ ԵՎ ՎԵՐԱԿԱՆԳՆՈՂԱԿԱՆ
ԾՐԱԳՐԵՐԻ ԻՐԱՎԱՆԱՑՄԱՆ ԿԵՆՏՐՈՆ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅԱՆԸ ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ
ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ
ՄԱՍԻՆ ՊԱՅՄԱՆԱԳԻՐ**

N ՀՀ ՔՁ ԴԿ - 06/23

ք.Երևան

« 02 » փետրվարի 2023թ.

Հայաստանի Հանրապետության արդարադատության նախարարությունը, ի դեմս գլխավոր քարտուղար Սիրվարդ Գևորգյանի (այսուհետ՝ պետական մարմին), որը գործում է պետական մարմնի կանոնադրության հիման վրա, մի կողմից, և «Իրավական կրթության և վերականգնողական ծրագրերի իրականացման կենտրոն» պետական ոչ առևտրային կազմակերպությունը, ի դեմս տնօրեն Ձոնիկ Մարգարյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների եւ դրամաշնորհների հատկացման կարգը հաստատելու մասին» N 1937-Ն որոշումը, «Հայաստանի Հանրապետության 2023 թվականի պետական բյուջեի մասին» օրենքը, Հայաստանի Հանրապետության կառավարության 2022 թվականի դեկտեմբերի 29-ի «Հայաստանի Հանրապետության 2023 թվականի պետական բյուջեի կատարումն ապահովող միջոցառումների մասին» N 2111-Ն որոշմամբ հաստատված հավելված N 5-ի 7-աղյուսակը (այսուհետ՝ որոշում), ինչպես նաև Արդարադատության նախարարի հրամանով հաստատված՝ 2023 թվականի քրեակատարողական ծառայողների վերապատրաստման և քրակատարողական ու հարկադիր կատարումն ապահովող ծառայությունների հանրային ծառայողների հատուկ ուսուցման ծրագրերը (դասախոսությունների և գործնական պարապմունքների ցանկերն ու ժամանակացույցերը) (այսուհետ՝ հրաման)՝ «Արդարադատության համակարգի աշխատակիցների վերապատրաստում և հատուկ ուսուցում» ծրագրի մաս հանդիսացող «Հատուկ ծառայողների վերապատրաստում և հատուկ ուսուցում» միջոցառման (այսուհետ՝ ծրագիր) իրականացման նպատակով, կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան

1.1. Սույն պայմանագրով պետական մարմինը պարտավորվում է ծրագրի մաս հանդիսացող Արդարադատության նախարարության հատուկ ծառայողների վերապատրաստման և հատուկ ուսուցման միջոցառման իրականացման նպատակով կազմակերպությանը հատկացնել Հայաստանի Հանրապետության կառավարության 2022 թվականի դեկտեմբերի 29-ի «Հայաստանի Հանրապետության 2023 թվականի պետական բյուջեի կատարումն ապահովող միջոցառումների մասին» N 2111-Ն որոշմամբ հաստատված հավելված N 5-ի 7-աղյուսակով նախատեսված՝ 197652,0 հազ. (մեկ հարյուր իննսունյոթ միլիոն վեց հարյուր հիսուներկու հազար) ՀՀ դրամ գումար՝ ներառյալ ավելացված արժեքի հարկը, իսկ կազմակերպությունը պարտավորվում է ծրագիրն իրականացնել Արդարադատության նախարարի հրամանով հաստատված՝ 2023 թվականի քրեակատարողական ծառայողների վերապատրաստման և քրակատարողական ու հարկադիր կատարումն ապահովող ծառայությունների հանրային ծառայողների հատուկ ուսուցման ծրագրերին

(դասախոսությունների և գործնական պարապմունքների ցանկերին և ժամանակացույցերին) համապատասխան, ինչպես նաև սույն պայմանագրով սահմանված կարգով և չափով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելված N 1-ում:

2. Կողմերի իրավունքները և պարտավորությունները

2.1. Պետական մարմինն իրավունք ունի՝

2.1.1. ցանկացած ժամանակ ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում իր հայեցողությամբ սահմանել թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 5.2.-ի կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացնելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. սույն պայմանագրի 5.1. կետով սահմանված կարգով պետական մարմնից ստանալու որոշմամբ սահմանված՝ ՀՀ պետական բյուջեից հատկացվող գումարը.

2.2.2. պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.3. Պետական մարմինը պարտավոր է՝

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 5 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են: Ընդ որում, պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է կազմակերպությանը,

այլապես այն համարվում է ընդունված:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ «Հանրային հատվածի կազմակերպությունների հաշվապահական հաշվառման մասին» օրենքի և Հայաստանի Հանրապետության ֆինանսների նախարարի 2014 թվականի հոկտեմբերի 24-ի «Հայաստանի Հանրապետության հանրային հատվածի հաշվապահական հաշվառման ստանդարտները հաստատելու մասին» N 725-Ն հարամնի դրույթներին համապատասխան հաշվառում:

2.4.2. պայմանագրով նախատեսված ֆինանսական միջոցներն օգտագործել ծրագրով եւ (կամ) սույն պայմանագրով սահմանված նպատակներով ու չափաքանակներով:

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները:

2.4.4. սույն պայմանագրով սահմանված կարգով պետական մարմին ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն:

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7. ծրագրի իրականացման համար անհրաժեշտ ապրանքները, աշխատանքները եւ ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.8. սույն պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո կազմակերպությունը միջոցառումների իրականացման արդյունքում առաջացած՝ ՀՀ պետական բյուջեից ստացված միջոցների տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2023 թվականի դեկտեմբերի 25-ը:

3. Մոնիթորինգը

3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. Հաշվետվությունների ներկայացման ժամկետները

4.1. Կազմակերպությունը յուրաքանչյուր եռամսյակի ավարտից հետո պետական մարմին է ներկայացնում ՀՀ ֆինանսների նախարարի 2013 թվականի փետրվարի 4-ի N 104-Ն հրամանով եւ ՀՀ ֆինանսների նախարարի 2019 թվականի մարտի 13-ի N 254-Ն հրամանով հաստատված ձևերին համապատասխան կազմված հաշվետվությունները՝ այդ հրամաններով սահմանված ժամկետներում, ինչպես նաև կատարված աշխատանքների վերաբերյալ եռամսյակային եւ տարեկան ամփոփ հաշվետվություններ:

5. Վճարման կարգը եւ ժամկետները

5.1. Կազմակերպությանը վճարումները կատարվում են որոշմամբ նախատեսված՝ ծրագրով սահմանված վճարումների կատարման եռամսյակային համամասնություններին համապատասխան՝ ամսական կտրվածքով՝ ոչ ուշ քան հաջորդ ամսվա 10-ը, բացառությամբ դեկտեմբեր ամսվա հասանելիք գումարի, որը կփոխանցվի մինչեւ դեկտեմբերի 20-ը՝ համաձայն ներկայացված ֆինանսական պարտավորությունների կատարման ժամանակացույցի (հավելված 2):

5.2. Սույն պայմանագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 (մեկ) տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

5.3. Սույն պայմանագրով նախատեսված հանրային ծառայողի կողմից վերապատրաստման կամ հատուկ ուսուցման դասընթացներին մասնակցելուց հետո հավաստագիր (վկայական) չստանալը՝ ստուգաբան չմասնակցելը կամ այն բացասական ստանալը (գնահատվելը) կամ բացակայությունների թույլատրելի շեմն անցնելու արդյունքում բացասական ստանալը (գնահատվելը), չի հանդիսանում Կազմակերպության կողմից պարտավորությունների չկատարում կամ ոչ պատշաճ կատարում, և պետական մարմինը տվյալ դեպքում Կազմակերպությանը վճարում է սույն պայմանագրի 5.1. կետով սահմանված կարգով (նաև չափով):

6. Կողմերի պատասխանատվությունը

6.1. Սույն պայմանագրով եւ ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմին փոխհատուցել չիրականացված միջոցառման չափով եւ վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու եւ խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում եւ հաշվանցում է կազմակերպությանը վճարվելիք գումարներից:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից, տարածվում է 2023 թվականի հունվարի 1-ից (ներառյալ) հետո ծագած հարաբերությունների վրա եւ գործում է մինչեւ կողմերի ստանձնած պարտավորությունների՝ ամբողջ ծավալով կատարումը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, եւ որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական եւ արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը եւ այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. Հայաստանի Հանրապետության կառավարության կողմից հաստատված ծրագիրը հանդիսանում է սույն պայմանագրի անբաժանելի մասը:

9.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր եւ ստորագրված են կողմերի կողմից:

9.3. Պայմանագիրը կնքվում է երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.4. Պայմանագրով նախատեսված պարտավորությունների չկատարման հետ կապված, ինչպես նաեւ սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները եւ ստորագրությունները

Պետական մարմին՝

Հայաստանի Հանրապետության արդարադատության նախարարություն
ք.Երևան, Վ.Սարգսյան 3/8,
ՀՎՀՀ 02506264

Հայաստանի Հանրապետության ֆինանսների նախարարության աշխատակազմի գործառնական վարչություն
Հ/Հ 900011194272

Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ
ք.Երևան, Մ. Խորենացու 162ա
ՀՎՀՀ 02509478

Հայաստանի Հանրապետության ֆինանսների նախարարության աշխատակազմի գործառնական վարչություն
Հ/Հ 900018004821

Գլխավոր քարտուղար՝



Գեորգյան

Տնօրեն՝



Սարգսյան

Մ Ի Ջ Ո Ց Ա Ռ Ռ Ի Մ Ն Ե Ր

Իրականացվելիք սիջոցառման

Անվանումը	Համառոտ բովանդակությունը	Կատարման ենթակա գործառույթների նկարագրերը	Ակնկալվող արդյունքները և դրանց գնահատման չափանիշները	Վերջնաժամկետը	Պահանջվող գումարը (հազար դրամ)
1.	2023 թվականի ընթացքում Հայաստանի Հանրապետության նախարարության հատուկ ծառայողների վերապատրաստման և հաստուկ ուսուցման դասընթացների (այսուհետ՝ դասընթաց) իրականացում	<p>1. ՀՀ արդարադատության նախարարության քրեակատարողական ծառայության գլխավոր, առաջատար, միջին և կրտսեր խմբերի պաշտոններ զբաղեցնող քրեակատարողական ծառայողների վերապատրաստում և ՀՀ արդարադատության նախարարության քրեակատարողական և հարկադիր կատարման ծառայությունների հանրային ծառայողների հատուկ ուսուցում:</p> <p>2. Դասընթացներն իրականացվում են՝ Հայաստանի Հանրապետության փոխվարչապետի 2020 թվականի հունվարի 6-ի N 476-Լ և N 477-Լ որոշումներով, Հայաստանի Հանրապետության արդարադատության նախարարի՝ 2021 թվականի հունվարի 19-ի N 8-Լ, ու 9-Լ և 2022 թվականի հուլիսի 22-ի N 400-Լ հրամաններով հաստատած կարգերով (ներառյալ՝ ծրագրերով, ժամանակացույցերով և այլ պայմաններով), Հայաստանի Հանրապետության արդարադատության նախարարի հաստատած ժամկետներում և ծրագրերով: Ծրագրի տևողությունը մեկ ունկրորի հաշվարկով՝ 39 ակադեմիական ժամ է (մեկ ակադեմիական ժամի տևողությունը 40 րոպե է):</p> <p>3. Կրակային դասընթացը ներառում է 9x18 մմ տրամաչափի «Բայկալ 442» կարճ ակոսափող հրազենով 12 և «Նշանակետ» էլեկտրոնային հրաձգային վարժասարքի «AK 47» ինքնաձիգով 36 կրակ արձակելու գործնական (ներառյալ ստուգարքայինը) դասընթաց, իսկ ՀՀ արդարադատության նախարարության քրեակատարողական ծառայության պաշտպանության ստորաբաժնման հանրային ծառայողներն ինքնաձիգով 12 կրակ արձակելու գործնական դասընթաց (ներառյալ ստուգարքայինը՝ յուրաքանչյուր ծառայողի համար):</p> <p>4. Դասընթացներն իրականացվում են Արագածոտնի մարզի Կարբի համայնքի 1-ին փողոց 4-րդ նրբանցք, N 56 շենք և ք. Երևան, Մ. Խորենացու 162ա հասցեներում, կամ Պետական մարմնի համաձայնությամբ այլ վայրում:</p> <p>5. «Գորիս», «Արթիկ», «Սևան» և «Վանաձոր» քրեակատարողական հիմնարկների ծառայողները, ինչպես նաև Շիրակի, Լոռու, Տավուշի, Գեղարքունիքի, Վայոց ձորի, Այրարատի մարզային բաժինների հարկադիր կատարման հանրային ծառայողները՝ դասընթացների իրականացման ժամանակահատվածում՝ ցանկության դեպքում, հնարավորություն ունեն անվճար գրչերելու: ՀՀ Արագածոտնի մարզի Կարբի համայնքի 1-ին փողոց 4-րդ նրբանցք, N 56 շենքի կացարաններում: Կազմակերպությունը</p>	<p>Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցման դասընթացների իրականացում</p> <p>Գնահատման չափանիշներ՝</p> <ol style="list-style-type: none"> Վերապատրաստում և հատուկ ուսուցում անցած ունկրորիների թիվը՝ հավասարազիր (վկայական) ստացած առնվազն դասընթացներին մասնակցած ծառայողների 90 տոկոսը, Վերապատրաստման և հատուկ ուսուցման դասընթացների համապատասխանությունը ծրագրով նախատեսված թեմաներին 	2023 թվականի դեկտեմբերի 25-ը	197652,0

յուրաքանչյուր վերապատրաստում և ուսուցում ուսուցում անցնող գրչերպասցով մնացող քրեակատարողական ծառայողի (հանրային ծառայողի) և հարկադիր կատարումն ապահովող ծառայության հարկադիր կատարողին (հանրային ծառայողին) տրամադրում է մեկ հատ չոր օճառ (առնվազն՝ 100 գրամ) և մեկ հատ զուգարանի թուղթ /գլանափաթեթ/ (առնվազն՝ 20 մետր երկարության):

6. Դատընթացների իրականացման ժամանակահատվածում Կազմակերպությունը ապահովում է Երևան քաղաքից դեպի Արագածոտնի մարզի Կարբի համայնքի 1-ին փողոց 4-րդ նրբանցք, N 56 հասցե (և հակառակը՝ դեպի Երևան) ուղևորափոխադրումը՝ ունկնդիրների (հանրային ծառայողների) ցանկության դեպքում:

7. ՀՀ արդարադատության նախարարության քրեակատարողական և հարկադիր կատարման ծառայությունների ծառայողներին (հանրային ծառայողներին) միայն վերապատրաստման և հատուկ ուսուցման դասընթացների իրականացման օրերին (ըստ դասացուցակի), Կազմակերպությունն ապահովում է սնունդով՝ Հայաստանի Հանրապետության արդարադատության նախարարի՝ 2021 թվականի հունվարի 19-ի N 9-L հրամանով սահմանված մեներօն (ճաշացանկին) համապատասխան:

8. Կազմակերպությունը յուրաքանչյուր վերապատրաստում և հատուկ ուսուցում անցնող քրեակատարողական ծառայողի (հանրային ծառայողի) և հարկադիր կատարումն ապահովող ծառայության հարկադիր կատարողի (հանրային ծառայողի) տրամադրում է մեկ հատ սովորական կապույտ գծրիկավոր գրիչ, և մեկ հատ նոթատետր (առնվազն՝ 72 թերթանի):

Պետական մարմին՝

Հայաստանի Հանրապետության արդարադատության նախարարություն
 ք. Երևան, Վ. Սարգսյան 3/8,
 ՀՎՀՀ 02506264

Հայաստանի Հանրապետության ֆինանսների նախարարության աշխատակազմի գործառնական կարգություն
 Հ/Հ 900011194272



(Handwritten signature)

Կ.Տ. Ս. Գևորգյան

Կազմակերպություն՝

«Իրական կրթության և վերականգնողական ծրագրերի իրականացման կենտրոն» ՊՈԱԿ
 ք. Երևան, Մ. Խորենացու 162ա
 ՀՎՀՀ 02509478

Հայաստանի Հանրապետության ֆինանսների նախարարության աշխատակազմի գործառնական կարգություն
 Հ/Հ 900018004821



Տնօրեն՝

Կ.Տ. Ս. Մարգարյան

«2023 թվականի ընթացքում Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցման ծառայությունների մատուցման» ծրագրի գծով 2023 թվականի բյուջետային հատկացումների սահմանաքանակների վերաբերյալ ժամանակացույց*

Հազար դրամ

Ծրագրի միջոցառման անվանումը	Ընդամենը տարեկան	Նախատեսվում է ֆինանսավորել ՀՀ 2023թ. պետական բյուջեից, ընդ որում (*թվերը ներկայացված են անողական կարգով)										ընդամեն.	
		հունվար	փետրվար	մարտ	ապրիլ	մայիս	հունիս	հուլիս	օգոստ.	սեպտեմ.	հոկտեմ.		նոյեմ.
ՀՀ ԱՆ հատուկ ծառայողների վերապատրաստման և հատուկ ուսուցման ծառայությունների մատուցում	197652,0	14961,6	29923,2	44884,8	65621,7	86358,6	107095,6	127832,5	148569,5	169306,4	178754,9	188203,5	197652,0

Պետական մարմին՝

Հայաստանի Հանրապետության արդարադատության նախարարություն
 ք. Երևան, Վ.Սարգսյան 3/8,
 ՀՎՀՀ 02506264

Հայաստանի Հանրապետության ֆինանսների նախարարության աշխատակազմի գործառնական վարչություն
 Հ/Հ 90001194272



Գլխավոր քարտեզային

Ստորեն՝

Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ
 ք. Երևան, Մ. Խորենացու 162ա
 ՀՎՀՀ 02509478

Հայաստանի Հանրապետության ֆինանսների նախարարության աշխատակազմի գործառնական վարչություն
 Հ/Հ 900018004821



Մարգարյան